



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Rvperti Abbatis Monasterii Tuitiensis, ordinis sancti
Benedicti, Theologi antiqui ac plane clarissimi, in Cantica
Canticorum de incarnatione Domini commentario[rum],
libri VII**

Rupertus <Tuitensis>

[Köln], 1527

VD16 B 3703

Species eius ut libani, electus ut cedri.

urn:nbn:de:hbz:466:1-34445

RVPER. IN CANT. CANT. CA. V.

Luc. 23

pli gratia: Loco uel tempore supradicto, cum penderet dilectus iste crucifixus, latronum duorum medius, alterum ex eis poenitentem misericorditer suscepit, secumque in paradysum assumpsit: alterum blasphemantem iusto iudicio reprobavit: Cum similiter populum quondam non suum populum gentilem, credentem atque confidentem assumit: & populum quodam suum, populum Iudaicum, non credentem, imo contradicentem atque blasphemantem dereliquit, quis iuste reprehendere, quis immutare possit? Nemo utique, quia rectae sunt istae uiae eius uniuersae. Ergo crura illius columnae sunt marmoreae.

Ioan. 5
Luc: 19.

Quid eo quoque uerius, quod ait, quae fundatae sunt super bases aureas? Bases namque aureae Consilia sunt sapientiae diuinae. Denique super huiusmodi bases ita fundatae sunt illae mirabiles columnae, ut in iudicando siue misericordiam faciendo dilectus iste nihil possit a semetipso facere. Flere potuit super ciuitatem **HIERUSALEM**, subuersionem & damnationem suae gentis prauidens, & tamen animum suum inducere non potuit, ut auerteret ab eis iram imminentem. Stabant quippe inflexibilia crura eius tanquam columnae marmoreae super bases aureas, id est, non qualis esset humanitatis suae uoluntas, sed diuinae iustitiae rationes attendebat.

Zacha. II

¶ Species eius ut libani, electus ut cedri. ¶ Species eius: pulchritudo eius talis est ut libani. Cuius libani? Illius nimirum, cui per Prophetam **ZACHARIAM** spiritus sanctus: spiritus propheticus dixit: Aperi libane por-

tas tuas, & cum edat ignis cedros tuas. Iste libanus fuit templum domini, templum quod Salomon domino ædificauit, cuius trabes & tabulara fere omnia fecit de lignis libani, lignis cedrinis auroq; uestiuit.

3. Reg. 7.

In quo species dilecti similis speciei talis libani: Primum in eo quod sicut libanus ille, templum illud, caput & decus extitit, sanctumque sanctorum Hierusalem illi terrenæ ciuitati: sic iste dilectus & caput & decus & sanctus sanctorum est supernæ Hierusalem ciuitati cœlesti, ciuitati DEI uiuentis, secundum mysteria templi huius non manufacti, cuncta facta sunt ædificia templi illius manufacti, sicut & tabernaculum quod Moyses in heremo iubente Domino perfecit. Sicut enim de tabernaculo faciendo dixit dominus Moyse: Inspice & fac secundum exemplar, quod tibi in monte monstrauit: ita & David spiritum sanctum, spiritum propheticum habens, non dubium quin demonstratum fuerit cœlestis exemplar cœlestis ædificij, ut describeret qualiter deberet fieri, sicut scriptura libri Paralipomenon dicit: Dedit autem David Salomoni uisum descriptionem porticus & templi, & cellariorum, & cœnaculi, & cubiculorum in adytis, & domus propitiationis, nec non & omnium quæ cogitauerat atriorum, & cætera usq; ad id: Omnia (inquit DAVID) uenerunt scripta manu domini ad me, ut intelligerem uniuersa opera exemplaris. Profecto propheta cum esset DAVID, qui & dicebat: Super senes & super oēs docentes me intellexi, non dubium quin & ipse oculis eisdem, quibus Moyses uiderat exemplar ta-

Exod. 25.

1. Para. 28

Psal. 118.

RVP. IN CANT. CAN. CA. V.

bernaculi sciendi, uiderit exemplar, iuxta quod descriptiones templi faciendi dedit filio suo Salomoni; Exemplar (inquam) cœlestis. s. magnum sacramentum templi non manufacti, per sp̄m sanctum de utero uirginis construēdi, id est, corporis sancti, sicut & ipse dilectus testatur, dicendo Iudæis: Soluite templum hoc, & post triduum excitabo illud. Hoc autem, inquit, Euangelista, dicebat de templo corporis sui. Igitur species est ut libani, id est, decus ipse est suæ sempiternæ ciuitatis, & sanctum sanctorum illi Hierusalem cœlesti, sicut præfiguratum est in illo templo manufacto, in illa Hierusalem terrena constructio de lignis imputribilib. atq; auro tectis. ¶ Non solum autem, sed & in hoc species eius ut libani, & ipse electus ut cedri: quia sicut libanus mons phœnicis, qui ex uno latere terminus est terræ Iudææ, maximis abundat cedris in semetipso radicatis & in altum subrectis: Sic iste mōs dei, mons pinguis, uere candidus & mundus secundum hoc ipsum nomē, quod est libanus, magnos & ualde nominatos & ipsos patres suos secundum fidem de semetipso radicatos protulit, quemadmodum de Dauid, utiq; patre suæ carnis, ipse dicit: Ego Iesus misi angelum meum testificari uobis hæc in ecclesijs, ego sum radix & genus Dauid. Igitur isto quoq; modo species eius ut libani, & electus est ut cedri, scilicet sancti uel patres antiqui, id est, assimilatus est illis, quemadmodum in Osee propheta dicit: Et locutus sum per prophetas, & ego uisiones multiplicasui, & in manu prophetarum assimilatus sum. Exempli gratia, Sicut Isaac ad immolandum dicitur

Ioan. 2

Psal. 67

Axoc. 22

Osee. 12:

Gene. 22.

Eene. 41.

ctus, non reluctatus est ipse, tamen uiuus holo-
causto suo supfuit: & sicut Ioseph inuidia fratrum
superata de carcere transiuit ad currum domi-
nationis, & Aegyptum de periculo famis eripuit:
& sicut Dauid, cum esset minimus de medio
fratrum inuidientium assumptus, & rex unctus
superbum Goliad strauit, & post multas perse-
cutiones Saul, tandem sedit in throno regni: sic
iste dilectus inter aduersa gloriosus claruit, omni
q̄ inuidia & ipsa morte superata, in caelum as-
cendit, & sedet a dextris dei, iuxta illud: De tor-
rente in uia bibit, propterea exaltabit caput. Si-
militer de alijs q̄ plurimis experimeta capere co-
piose promptum est, ut scienter noueris ita esse
ut dilecta dicit, electus ut cedri. Finis descripti-
onis hic est.

1. Reg. 16.

Psal. 109.

¶ Guttur illius suauissimum, & totus de-
siderabilis.

¶ Guttur dilecti experimentum est diuinæ eius
dulcedinis, quæ nondum apparuit, sed in futuro
referuatur i remunerationem præsentis fidei ac
dilectionis, quemadmodum ipse dilectus dicit.

Ioan. 14

Qui autem diligit me, diligetur a patre meo, &
ego diligam eum, & manifestabo ei meipsum.

¶ Guttur illud suauissimum inquit: & non dicit
q̄ suaue uel cui simile sit. Cæterorum singulis
quædam similia dedit siue apposuit, uidelicet ca-
piti aurum optimum, comis elatas palmarum,
oculis columbas super riuulos aquarum, genis
areolas aromatum, labijs lilia, manibus tornum
& aurum cum hiacynthis, uentri ebur distinctum
saphyris, cruribus columnas marmoreas cū ba-